

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-23- /18  
Bihać, \_\_\_\_\_2018. godine

Na osnovu člana 52. stav 1. tačka b) Statuta Grada Bihaća ( “Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća ( “Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

**O d r e đ u j e**

Izvjestioca: Jasmin Stambolija, dipl. pol. na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**  
**Služba za komunalne djelatnosti,**  
**vode i zaštitu okoliša**

Broj: \_\_\_\_\_/18  
Bihać, \_\_\_\_\_2018.godine

**GRADSKO VIJEĆE BIHAĆ**  
**- o v d j e -**

**PREDMET:** Prijedlog Odluke o izmjeni Odluke o usklađivanju Odluke o osnivanju  
JKP „Komrad“ d.o.o. Bihać sa zakonom i dopuni djelatnosti, dostavlja se

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15), a u vezi sa članom 140. Poslovnika o radu Gradskog vijeća Grada Bihaća („Službeni glasnik Grada Bihaća“, br. 3/16), u prilogu vam dostavljam Prijedlog Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti,

**O b r a z l o ž e n j e**

*Pravni osnov za donošenje:*

Pravni osnov za donošenje Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, sadržan je u:

- članu 2. Zakona o javnim preduzećima („Službene novine Federacije BiH“, br. 8/05, 81/08, 22/09 i 109/12), kojim je propisano da djelatnosti od javnog društvenog interesa utvrđuju općina, kanton i Federacija BiH, svako u okviru svojih nadležnosti,

- članu 17. Zakona o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12), kojim je propisano da povjeravanje obavljanja komunalnih djelatnosti i davanje na upravljanje i održavanje komunalnih objekata i uređaja javnom komunalnom preduzeću se reguliše odlukom o osnivanju,

- u članu 35. Statuta Grada Bihaća (“Službeni glasnik Grada Bihaća” broj: 13/15) kojim je propisano da Gradsko vijeće donosi pojedinačne i druge akte iz samoupravnog djelokruga u skladu sa zakonima i ovim Statutom.

*Razlozi donošenja:*

Donošenju Odluke o izmjeni Odluke o usklađivanju Odluke o osnivanju JKP „Komrad” d.o.o. Bihać sa zakonom i dopuni djelatnosti, pristupilo se radi sljedećih razloga:

Članom 2. važeće Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti (“Sl.glasnik Grada Bihaća”, broj: 7/15 I 12/17), propisano je da Osnivač povjerava JKP “Komrad” d.o.o. Bihać obavljanje komunalnih djelatnosti skupljanja, tretiranja i odlaganja otpada, javnih parkirališta na području grada Bihaća, te obavljanje djelatnosti elektroinstalacijskih radova i uklanjanja građevina.

Kada je u pitanju obavljanje komunalnih djelatnosti zajedničke komunalne potrošnje, koje u smislu Zakona o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12), predstavljaju komunalne djelatnosti čije proizvode i usluge nije moguće izmjeriti ili na drugi način definirati, utvrditi i naplatiti od svakog korisnika usluga, iste nisu povjerene javnom preduzeću, iako je članom 17. Zakona propisano da se povjeravanje obavljanja ovih komunalnih djelatnosti reguliše odlukom o osnivanju.

JU “Zavod za prostorno uređenje” Bihać, u čijoj nadležnosti je realizacija Programa obavljanja komunalnih djelatnosti zajedničke komunalne potrošnje, u proteklom periodu je inicirala izmjene gradskih propisa, a kojim bi se konačno definirale komunalne djelatnosti zajedničke komunalne potrošnje čije se obavljanje direktno povjerava JP “Vodovod” d.o.o. Bihać, odnosno JKP “Komrad” d.o.o. Bihać.

Kako je članom 12. Odluke o usklađivanju Odluke o osnivanju JKP “Komrad” d.o.o. Bihać propisano da u djelatnost javnog preduzeća, između ostalog, spadaju elektroinstalacijski radovi, ostale djelatnosti čišćenja, te uslužne djelatnosti uređenja i održavanja zelenih površina, da je preduzeće registrovano za obavljanje tih djelatnosti, da su u sistematizaciji radnih mjesta sistematizirana i popunjena neophodna radna mjesta, istom se može povjeriti obavljanje komunalne djelatnosti zajedničke komunalne potrošnje propisane Zakonom o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12), i to : održavanje čistoće na javnim površinama, održavanje javnih površina, obavljanje higijeničarske službe, obavljanje usluga dekoracije, održavanje objekata i uređaja javne urbane opreme (osim javnih česmi i fontana), održavanje javne rasvjete u stanju funkcionalne ispravnosti i održavanje spomen obilježja, stratišta, mezaristana i grobalja-mezarja kulturno-istorijskog značaja.

Nadalje, predloženom Odlukom izvršeno je i usklađivanje važeće Odluke o pogrebnoj djelatnosti (“Sl.glasnik Općine Bihać”, br. 7/14) sa osnivačkim aktom preduzeća, obzirom da je članom 17. citirane Odluke JKP “Komrad” d.o.o. Bihać povjereno na upravljanje Gradsko mezarje-groblje “Humci”.

Također, kako JKP “Komrad” d.o.o. Bihać upravlja i održava tržnice na malo (pijace) u Bihaću, na Trgu maršala Tita (Gradska tržnica) i u ul.Hadžiabdića mahala, na čije cijene i pijačni red je data saglasnost Osnivača, bilo je neophodno u osnivačkom aktu navedene poslove povjeriti JKP “Komrad” d.o.o. Bihać.

Radi svega gore navedenog, bilo je neophodno pristupiti usklađivanju osnivačkog akta sa navedenim Zakonom u dijelu povjeravanja navedenih komunalnih djelatnosti, iz kog razloga predlažem Gradskom vijeću Bihać usvajanje prijedloga Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, kao u predloženom tekstu.

*Potrebna finansijska sredstva*

Za provođenje ove Odluke finansijska sredstva su obezbjeđena u Budžetu Grada Bihaća, kroz Program obavljanja komunalnih djelatnosti zajedničke komunalne potrošnje kojeg realizira JU „Zavod za prostorno uređenje“ Bihać.

Prilog:

1. Prijedlog Odluke o izmjeni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti
2. Odluka o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti (“Službeni glasnik Grada Bihaća” broj: 7/15, 12/17)

Obrađivač:

Elvira Hadžić, dipl. prav.

Gradonačelnik  
Šuhret Fazlić

Na osnovu člana 2. Zakona o javnim preduzećima („Službene novine Federacije BiH“ br. 8/05, 81/08, 22/09 i 109/12), a u vezi sa članom 17. Zakona o komunalnim djelatnostima („Službeni glasnik USK“, br. 4/11, 11/11, 6/12 i 13/12) i člana 35. tačka cc) Statuta Grada Bihaća („Službeni glasnik Grada Bihaća“ broj:13/15), Gradsko vijeće Bihać na \_\_\_\_\_ sjednici održanoj dana \_\_\_\_\_2018. godine, d o n o s i

### Odluku o izmjeni

Odluke o usklađivanju Odluke o osnivanju JKP „Komrad“ d.o.o. Bihać  
sa zakonom i dopuni djelatnosti

#### Član 1.

U Odluci o usklađivanju Odluke o osnivanju Javnog komunalnog preduzeća „Komrad“ d.o.o. Bihać sa zakonom i dopuni djelatnosti („Službeni glasnik Grada Bihaća“, br: 7/15 i 12/17), u članu 2. stav (3) mijenja se i glasi:

“(3) Javnom komunalnom preduzeću „Komrad“ d.o.o. Bihać Osnivač povjerava obavljanje:

a) komunalnih djelatnosti individualne komunalne potrošnje:

- 1) skupljanja, tretiranja i odlaganja otpada
- 2) djelatnost javnih parkirališta na području grada Bihaća,
- 3) pogrebne djelatnosti
- 4) djelatnosti tržnica na malo (pijaca)

b) komunalnih djelatnosti zajedničke komunalne potrošnje propisanih Zakonom o komunalnim djelatnostima USK-a („Službeni glasnik USK“ broj: 4/11, 11/11, 6/12 i 13/12):

- 1) održavanje čistoće na javnim površinama,
- 2) održavanje javnih površina,
- 3) obavljanje higijeničarske službe,
- 4) obavljanje usluga dekoracije,
- 5) održavanje objekata i uređaja javne urbane opreme,
- 6) održavanje javne rasvjete u stanju funkcionalne ispravnosti,
- 7) održavanje spomen obilježja, stratišta, mezaristana i grobalja-mezarja kulturno-istorijskog značaja,

c) uklanjanja građevina“.

#### Član 2.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV \_\_\_\_\_

Bihać, \_\_\_\_\_2018. godine

Predsjedavajući Gradskog vijeća

Davor Župa